



AZKOITIKO UDALA
AYUNTAMIENTO DE AZKOITIA

	ESP. KODEA COD. EXP.	2024CONB0004
EXPEDIENTEA EXPEDIENTE	HITZARMENAK	
TITULARRA TITULAR	MATADERO ESPAZIO KULTURALA	
IFK CIF	G75104133	

ZINEGOTZI DELEGATUAREN DEKRETUA

SONIA VAZQUEZ TEJERINA, AZKOITIKO UDALEKO HERRITARRAK BATZORDEKO LEHENDAKARIAK, Toki Araubidearen Oinarriak arautzen dituen apirilaren 2ko 7/85ko Legeko 21.1. f), 21.3 eta 23.4 artikuluetan xedatutakoaren arabera,

IKUSIRIK

Udal honetako 2024ko aurrekontuetan, MATADERO ESPAZIO KULTURALAren aldeko diru laguntza ematea aurreikusten dela, 2024. urteko ekintzengatik.

KONTUAN HARTURIK

Departamentuko zerbitzu teknikoak egindako proposamenaren aldeko iritzia azaldu duela ondorengo txostenean:

AURREKARIAK

- 2024eko otsailaren 22an, 1394 Udaletxeko sarrera zenbakiarekin, Matadero Espazio Kulturalak 2024ko urteko ekintzak aurrera eramateko diru laguntza eskatu duela.
- 2023ko abenduaren 14an Azkoitiko Udalbatzak onartu zuen 2024ko udal aurrekontua, 2023ko abenduaren 20an, behin behineko iragarkia kaleratu zen GAOn, eta 2024ko urtarrilaren 23an, erreklamaziorik egon ez zenez, behin betiko onartu.
- Aurrekontu hauetan Matadero Espazio Kulturala taldearen diru laguntzaren partida jasotzen da. Baita ere, Diru Laguntzen Plan Estrategikoan, diru laguntza hau aurreikusita dago.

Horren ondorioz,

PROPOSATZEN DUT

A.- Azkoitiko Udalaren eta Matadero Espazio Kulturalaren arteko hitzarmen hau sinatzea:

AZKOITIKO UDALA ETA MATADERO ESPAZIO KULTURALAREN ARTEKO HITZARMENA

BILDU DIRA



AZKOITIKO UDALA
AYUNTAMIENTO DE AZKOITIA

Alde batetik, Sonia Vazquez Tejerina Azkoitiko Udaleko Herritarrak Batzordeko Lehendakaria, Azkoitiko Herriko Plaza, z/g-ean egoitza izan eta P- 2001800-H I.F.K. zenbakia duen Azkoitiko Udalaren izenean.

Bestetik, Maialen Mugika Garmendia (NAN:44.128.040-X), G-75104133 IFK duen Matadero espazio kulturalaren izenean eta haren ordezkaritzan

Bi alderdiek onartu diote elkarri hitzarmen hau izenpetzeko gaitasun osoa edukitzea, eta Matadero Espazio Kulturala eta bere ordezkaritzaren kasuan, Administrazio Publikoarekin hitzartzeko inolako bateraezintasun edo ezgaitasun arrazoietan sartuta ez daudela adieraz duenaren arabera. Beraz, agertutakoek honako hau

ADIERAZI DUTE

I.- Diru-laguntzei buruzko azaroaren 17ko 38/2003 Lege Orokorrak 22.2 artikuluan xedatzen du Toki Administrazioa aurrekontuetan aurreikusitako diru-laguntza izendunak zuzenean eman ahalko direla, betiere, diru-laguntza arautzen duen hitzarmenean eta diru-laguntzak arautzen dituen araudian jasotako baldintzetan.

Lege bereko 28. artikulua diru-laguntzak zuzenean emateko prozedura arautzen du, zehaztuz, hitzarmenak direla Toki Administrazioek aurreikusitako diru-laguntza izendunak bideratzeko ohiko tresnak. Hitzarmenek, legean xedatutakoa betez, aplikagarriak diren baldintzak eta konpromisoak jasoko dituzte.

Uztailaren 21eko 887/2006 Errege Dekretuko 65. artikulua arabera aurrekontuetan aurreikusitako diru-laguntza izendunak izango dira, xedea, aurrekontu-zuzkidura eta onuraduna aurrekontuaren gastuen egoera-orrian berariaz zehaztuta dituztenak. Gainera, diru-laguntza horiek emateko prozedura ofizioz hasi daiteke edo eskatuta eta diru-laguntza arautzeko oinarri izaera izango duen hitzarmenarekin amaituko da.

II.- Matadero espazio kulturala, irabazteko asmorik gabeko elkarte da, 1996ko ekainaren 2an sortua eta Euskal Autonomia Erkidegoko Elkarteen Erregistro Orokorrean AS/AG/06095/1996 zenbakiaren inskribatuta dago.

III.- Matadero espazio kulturalak, urte askotan zehar kultur alorreko ekintza ugari egin dituzte: kontzertuak, ikastaroak, hitzaldiak.... ume, gazte eta helduei zuzendutakoak. Matadero espazio kulturalak antolatutako kontzertu eta jarduerak oihartzun handia dute bai herrian bai kanpoan.

IV.- Lankidetzaren hitzarmen hau egiteko orduan, kontuan hartu dira Matadero espazio kulturalak jendartean duen eragina, zenbat azkoitiarrek parte hartzen duten taldean, elkartearen finkatze maila, ematen den zerbitzua, izandako ibilbidea, jarraitasuna eta egonkortasuna.

V.- Diru-laguntza hau ematen da interes publiko eta sozialeko helburuak betetzeko. Zehazki, 2024 urteko egitasmoa eta eraikinaren mantenua finantzatzeko erabiliko da.

VI.- Hitzarmen hau sinatzen da Azkoitiko Udalaren eskumenen egikaritzan, hain zuzen, Euskadiko Toki Erakundeei buruzko apirilaren 7ko 2/2016 Legearen 17.20 artikulua xedatutakoaren arabera.



AZKOITIKO UDALA
AYUNTAMIENTO DE AZKOITIA

VII.- Hitzarmen honen helburua Azkoitiko Udaleko aurrekontuan (indarrean dagoena) aurreikusitako diru-laguntza erakunde onuradunaren alde bideratzea da eta erakunde onuradunak bere gain hartuko dituen baldintzak nahiz konpromisoak finkatzea.

Beraz, diru-laguntzen Lege Orokorrean eta aplikagarria den gainerako araudian ezarritakoa betez, bi aldeek hitzarmen hau izenpetzeko erabakia hartu dute, ondorengo baldintza edo xedapenen arabera:

XEDAPENAK

LEHENA.- Hitzarmen honen xedea da Azkoitiko Udalak 2024. ekitaldiko aurrekontuan aurreikusitako diru-laguntza Matadero espazio kulturalari ematea eta emate horren baldintzak arautzea, Matadero espazio kulturalak aurkeztu duen programa aurrera eraman dezan: 2024 urteko egitasmoa hain zuzen ere. Ondorioz, ondoko programak sortutako gastuei aurre egiteko bakarrik erabili daiteke diru-laguntza.

- 1.- Aretoaren hobekuntza lanak
- 2.- Bebaruko jardunek
- 3.- 2024 urteko ekintzak

BIGARRENA: Azkoitiko Udalak, Matadero espazio kulturalari HAMABI MILA EUROKO (12.000 euro) diru-laguntza emango dio programan aurreikusitako ekintzetarako, 2024ko udal aurrekontuko partida honetatik: 1.3100.481.334.00.04. Diru-laguntza hau, ordainketa batean emango da, hitzarmena sinatu ostean. Horretarako, Matadero espazio kulturalak dokumentazioa hau aurkeztuta izan behar du:

- 2024ko programa eta jardueren proiektua.
- 2024ko gastuen eta sarreraren aurrekontu zehaztua.
- Gainerako finantza iturriei buruzko zehaztapen idatzia edota beste finantza iturririk ez duen ziurtagiria.

HIRUGARRENA:

- a) Aurkeztu den programaren baitan egiten diren ekitaldi guztietan adierazi beharko da Azkoitiko Udalak diruz lagundu duela. Era berean, argitaratu daitezkeen publizitateetan, agerian utzi beharko da Azkoitiko Udalak laguntza eman duela, "Azkoitiko Udalaren laguntzarekin" esaldia txertatuz Udalaren Logoarekin batera.
- b) Ekitaldi edo jardueraren berri eman beharko zaio Kultura Departamentuari hilabete lehenago (eguna, ordutegia, lekua, informazioa...).
- c) Iragarkiak, ohar eta jakinarazpenak, bai ahozkoa eta bai idatzizkoa, ahal den guztietan, euskara hutsean egingo dira. Bi hizkuntzetan egiten badira, lehenetsuna emango zaio euskarari.
- d) Ezingo da sexu edo arraza arrazoiengatik diskriminaziorik egin eta une oro errespetatu beharko da emakume eta gizonezkoen arteko aukera-berdintasun printzipioa.

LAUGARRENA: Matadero Espazio Kulturalak ziurtatzen du, Dirulaguntzen onuradun izateko azaroaren 17ko Dirulaguntzen 38/2003 Lege Orokorren 13. artikuluan eta Azkoitiko Udaleko Dirulaguntzen Oinarri Orokorretan (GAO, 54 zk, 2023ko martxoaren 20a) Zehazten diren baldintza guztiak betetzen dituela.



AZKOITIKO UDALA
AYUNTAMIENTO DE AZKOITIA

Hala ere, Azkoitiko Udalak egiaztatu egingo ditu datu bitartekaritzako plataformako zerbitzuetatik ondorengo baldintzak:

1. Poliziaren Zuzendaritza Nagusia:
 - Laguntza eskatzen duen pertsona bakoitzaren nortasun datuen kontsulta eta egiaztapena.
2. Gipuzkoako Foru Aldundia eta foru-ogasunak:
 - Zerga-betebeharrak egunean izatearen kontsulta.
3. Gizarte Segurantzako Diruzaintza Orokorra:
 - Gizarte Segurantzako betebeharrak egunean dituenaren kontsulta.

Gainera, Azkoitiko udalak egiaztatuko du, udalarekin zerga betebeharrak egunean dituela.

BOSGARRENA: Diruz laguntzeko gastutzat joko dira diruz lagundutako ekintzaren edo proiektuaren izaerari erantzuteaz gain, diru-laguntzak arautzeko oinarriek ezarritako epean egiten direnak. Gastu bat diruz laguntzeko, Diru-laguntzei buruzko 38/2003 Lege Orokorraren 31. artikuluan xedatutakoa bete behar da, baita azpikontratatzeko 29. artikuluan eskatutako baldintzak ere.

5.1.- Diruz lagundu daitezkeen gastu kontzeptuei dagokienez, gastu mota batzuetarako ondorengo mugak ezartzen dira:

5.1.1.- Ez dira onartuko gastuen oharrak eta beste dokumentu batzuk, ez badituzte betetzen legezko faktura edo egiaztagiri kontsideratzeko baldintzak.

Salbuespen izaeraz, zerbitzuak edo lanak egiten badituzte, noizbehinka, faktura egiteko egoeran ez dauden pertsona batzuek, baina legez eskatu dakizkien baldintzak beteta, fakturaren ordez onartuko da hartzaileak jaso izanaren agiri bat aurkeztea, zeinetan jasoko diren izen-abizenak, nortasun agiria (NAN) eta kontzeptua. Onuradunaren gastu guztiak kontuan hartuta, ezin izango dute gainditu gastu guztiaren %50aren kopurua. Jaso izanaren agiri bakoitzaren zenbatekoa ezingo da izan 800€ baino handiagoa eta zenbatekoa 300€tik gorakoa denean, derrigorrezkoa izango da jasotzailearen banketxe kontuan ordainketa egin izana ziurtatzen duen agiria aurkeztea.

Jaso izanaren agiria sinatu duenari Ogasunak erreklamazioren bat jarriko balioke, ezin izango zaio inolako erantzukizunik eratorri Azkoitiko Udalari; izan ere, Azkoitiko Udalak gastua egin eta ordaindu dela egiaztatu besterik ez du egingo, emandako diru-laguntza justifikatzeko bitarteko gisa.

5.1.2.- Bazkari, afari, hotel edo ostalaritzako zerbitzuen kostuak, kilometraje gastuak, ibilgailuentzako erregai gastuak, telefonia zerbitzuetako gastuak edo antzekoak modu nabarian (eta egoki justifikatuta) aurretik identifikatuak izan behar dira aurkeztutako proiektuan. Edonola ere, behar den proportzionaltasuna gorde beharko dute egindako gastuaren artean eta lortu nahi duten helburuaren artean, zenbatekoa izan gabe entitatearen gastu guztien % 25 baino handiagoa.

5.1.3.- Salbuespen izaeraz, justifikatzen zailak diren gastuak onartuko dira, zeinak ez duen beharko agiriz justifikatzea, eta kasu batean ere ez da izango onuradunaren gastu guztien %10 baino handiagoa.



AZKOITIKO UDALA
AYUNTAMIENTO DE AZKOITIA

2024eko abenduaren 31n amaituko da diru-laguntza erabiltzeko edo jarduerak egiteko epea. Aldiz, diru-laguntza emateko helburua bete duela zuritzeko eta jasotako diru-laguntza zertan erabili den justifikatzeko epea 2025eko otsailaren 28an amaituko da.

Justifikatzeko modua KONTU ERRAZTU bidez egingo da eta honako dokumentuak izango ditu:

- a) Justifikazio-kontuaren adierazpena Azkoitiko Udaleko webgunean (www.azkoitia.eus) eskura dagoen ereduaren arabera diruzainak sinatua.
- b) Jarduera memoria bat, diru-laguntza ematerakoan jarritako baldintzak bete egin direla justifikatzen duena eta egindako jarduerak eta lortutako emaitzak adierazten dituen.
- c) Jarduerak izan dituen gastuen eta sarreraren zerrenda sailkatua Azkoitiko Udaleko webgunean (www.azkoitia.eus) eskura dagoen ereduaren arabera diruzainak sinatua.
- d) Gastua justifikatzeko balio duten faktura, ordainagiri edo trafiko juridikoan froga balioa duten beste agiriak onuradunak gorde beharko ditu eta Kultura Departamentuak diru-laguntza egoki aplikatu ote den egiaztatuko du horren gaineko arrazoizko ziurtasuna ematen duen ordainagirien lagin bat begiratuta. Hautaketa ausazkoa izango da eta onuraduna behartuta egongo da hautatu diren agiri original horiek aurkeztera.
- e) Jaso-izanaren egiaztagiria begiratu dira, 300 €tik gorakoak direnak eta PFGZren atxikipena egin al den egiaztatuko da. Gainera, Igorle beraren Jaso izanaren egiaztagiri aztertuko dira eta PFGZren atxikipena al duten egiaztatuko da, beti ere igorlearen kopuru metatua 300 €tik gorakoa bada.

Justifikatzeko obligazioa ez betetzeak nahiz behar bezala ez justifikatzeak jasotako kopuruak eta dagozkien interesak itzuli beharra ekar lezakete berekin, Diru-laguntzei buruzko Lege Orokorraren 37.1 artikuluan xedatutakoaren ildotik.

SEIGARRENA: Diru-laguntza hau jaso ahal izateko aurreko ekitaldiko diru-laguntza zurituta izan behar du. Likidazioan ezingo da superabita eduki eta horrela suertatu ezker, gehienez jasotako kopurua itzuliko dio Azkoitiko Udalari.

ZAZPIGARRENA: Udalaren laguntza bateragarria izango da gainerako erakunde publiko edo pribatuek xede bererako eman ditzaketen bestelako diru-laguntzekin, eta Matadero Espazio Kulturalaren gainontzeko sarrerekin, beti ere udalari informatuta. Edonola ere, ezingo da gain-finantzaketarik izan, eta egora hori gertatzen bada, diru-laguntza murriztuko zaio Matadero Espazio Kulturalari.

ZORTZIGARRENA: Azkoitiko Udala ez da arduratuko Matadero Espazio Kulturalaren lanean ari diren langileez eta Matadero Espazio Kulturala izango da langileekiko lan-harremanaren ondorioz sortutako lege alorreko betebeharren erantzule bakarra. Lan alorreko legeri babesleak bere alderdi guztietan ezarritakoa bete behar du Matadero Espazio Kulturalak.

BEDERATZIGARRENA: Hitzarmen hau izenpetzean, sinatzen duenak adierazten du bertan ezarritako betekizun guztiak betetzen dituela eta hemen jasotako baldintza eta betebeharrak guztiak onartzen dituela.

Era berean, izenpetzen duenak adierazten du Azkoitiko Udalari eman dizkion Datu Pertsonalak onespenez eman dizkiola eta datu horiek Azkoitiko Udalak baimendutako fitxategian sartzeko eta tratamendu automatizatua emateari baietza ematen diola.

Gainera, sinatzen duenak aitortzen du hitzarmen hau izenpetzeko eman duen informazioa egiazkoa dela eta ez duela isilean ezer gorde edo aldatu.



AZKOITIKO UDALA
AYUNTAMIENTO DE AZKOITIA

Hitzarmena sinatzen duenak baimena ematen dio Azkoitiko Udalarari:

- a) Izaera pertsonaleko datu horiek udala kudeaketarako bakarrik erabiltzeko.
- b) Hitzarmen honen xede den diru-laguntza zuzen kudeatzeko garrantzizko den informazio guztia eskuratu ahal izateko beste Administrazio Publiko batzuen fitxategietan beharrezkoak diren kontsulta guztiak egiteko.

Hitzarmen hau izenpetzen duenak aitortzen du argibide guztiak eman zaizkiola berak eman dituen datuak izaera pertsonaleko datuen eta babes digitaleko 3/2018 lege organikoak ezarritako moduan eskuratzeko, zuzentzeko edo ezabatzeke aukeraren inguruan.

HAMARGARRENA: Hitzarmen honetan aurreikusita ez dagoen guztian, betetzekoak izango dira Estatuak diru-laguntzetarako 2003ko azaroan 17an eman zuen 38/2003 Lege Orokorra, eta uztailaren 21eko 887/2006 Errege Dekretuaren bidez onartu zen Diru-laguntzei buruzko Erregelamendu Orokorra eta kasuari aplikagarria den gainontzeko araudia.

HAMAIKAGARRENA: Administrazioko auzitegiatarako jurisdikzioaren menpe geratuko dira hitzarmen honetatik sortzen diren auziak. Nolanahi ere, bitartekaritza edo arbitrajez konpondu daitezke, indarrean dagoen legedian zehaztutakoarekin bat etorritik.

Hitzarmen honetako klausulak ez betetzea haren deuseztapena ekar lezake eta elkarteak diru-laguntza kontura jasotakoa itzultzera behartuta egongo da, laugarren klausulan zehaztutako eran.

Eta horrela jasota gera dadin, dokumentu honetako edukiarekin adostasuna azalduz eta leial betetzeko konpromisoa hartuta, bi aldeek hirukoiztuta sinatzen dute.

Herritarrak Batzordeko Lehendakaria
Sonia Vazquez Tejerina

Matadero espazio kulturalako lehendakaria
Maialen Mujika Garmendia

B.Elkarteak aurkeztu dituen agiriak aztertu ondoren, hitzarmeneko bigarren artikuluan eskatzen diren dokumentazio guztia aurkeztu duela eta aurreko ekitaldiko diru laguntza zurituta dagoela baieztatzen da. Ondorioz diru laguntza emateko baldintzak betetzen dituela egiaztatzen da.

C.- Bestalde, diru laguntzen justifikaziori dagokionez, Diru-laguntzei buruzko 38/2003 Lege Orokorraren 30 artikulua dio:

“ Ez dira onartuko gastuen oharra eta beste dokumentu batzuk, ez badituzte betetzen legeko faktura edo egiaztapen kontsideratzeko baldintzak.

Salbuespen izaeraz, zerbitzuak edo lanak egiten badituzte, noizbehinka, faktura egiteko egoeran ez dauden pertsona batzuek, baina lege eskatu dakizkien baldintzak beteta, fakturaren ordean onartuko da hartzaileak jaso izanaren agiri bat aurkeztea, zeinetan jasoko diren izen-abizenak, nortasun agiria (NAN) eta kontzeptua. Onuradunaren gastu guztiak kontuan hartuta, ezin izango dute gainditu gastu guztiaren %25aren kopurua” .

Matadero espazio kulturalak egiten duen lana, bere ibilbidea eta bere xedea kontutan hartuta, bat batean baldintza hau ezin dutela bete ikusten da, horregatik salbuespena %50era igotzea onartu da. Portzentaje hau, jeisten joango denaren konpromisoa hartu dute.



AZKOITIKO UDALA
AYUNTAMIENTO DE AZKOITIA

Ondorioz,

ERABAKI DUT

LEHENA: MATADERO ESPAZIO KULTURALA eta Azkoitiko Udalaren arteko hitzarmena onartzea.

BIGARRENA.- MATADERO ESPAZIO KULTURALari 12.000,00 €-ko kopurua ematea, 2024ko ekintzengatik, udal honi dagokion bezala. Halaber, aipaturiko gastua Azkoitiko udal aurrekontuko 1.3100.481.334.00.04. partidari atxikitzea.

HIRUGARRENA.- Erabaki hauen berri interesatuari eta Kontuhartzaitza Departamentuari ematea.

LAUGARRENA.- Diru laguntza hau, BDNS plataformaren bidez GAOn argitaratzea.

Erabaki honek amaiera jarri dio administrazio-bideari.

ERREKURTSOAK

Bere aurka auzitara jo aurretik, interesdunak, hala nahi izanez gero, birjarpen errekurtsoa aurkez dezake Alkatetzaren aurrean hilabete bateko epean, erabaki honen jakinarazpena jaso eta biharamunetik kontatzen hasita. Hori dena, Herri Administrazioen Administrazio Prozedura Erkidea arautzen duen urriaren 1eko 39/2015 Legearen 123 eta 124 artikuluetan xedatutakoaren arabera.

Bestela, birjarpen helegitea aurkeztu ordez, edo aipatu errekurtsoarean erantzunaren aurka joko balu, interesatuak administrazioarekiko auzi-errekurtsoa aurkez dezake bi hilabeteko epean, erabaki honen jakinarazpena jaso eta biharamunetik hasita. Helegite hau, Donostiako Administrazioarekiko Auzien Epaitegian aurkeztu beharko da.

Bestaldetik, Administrazioak birjarpen errekurtsoa erantzun gabe utziko balu, interesdunak sei hilabeteko epea izango du administrazioarekiko auzi-errekurtsoa aurkezteko, birjarpen errekurtsoa tartekatu zuen datatik kontatzen hasita.

Eta adierazitakoarekin ados nagoela adierazteko, ebazpen hau sinatu dut egokiak diren ondorioetarako

HERRITARRAK BATZORDEKO LEHENDAKARIAK



EKS | CSV: ESKU34218edf-f1a0-48c2-8f2f-a11f12bd6532

Egiaztatu dokumentu honen osotasuna eta sinadura hurrengo URL edo QR kodean sartuz: <https://uzt.gipuzkoa.eus?De=01710>

Compruebe la integridad y firma de este documento, accediendo a la siguiente URL o código QR: <https://uzt.gipuzkoa.eus?De=01710>

Sinaduren laburpena / Resumen de firmas

Titulua / Título:

2024CONB0004-EBAZPENA HITZARMENA MATADERO ESPAZIO